


建
理

漢書門				
類	號	函	架	冊
一	八	〇	〇	〇
〇	〇	〇	〇	〇

內閣文庫	
番號	漢 1846
冊數	10 (3)
函號	275 237


宋 仙 苑 記



書序

慶元己未冬先生文公令沉作書集傳明年
先生歿又十年始克成編總若千萬言嗚呼
書豈易言哉二帝三王治天下之大經大法
皆載此書而淺見薄識豈足以盡發蘊奧且
生於數千載之下而欲講明於數千載之前
亦已難矣然二帝三王之治本於道二帝三
王之道本於心得其心則道與治固可得而
言矣何者精一執中堯舜禹相授之心法也

達中達極商湯周武相傳之心法也曰德心
仁曰敬曰誠言雖殊而理則一無非所以明
此心之妙也至於言天則嚴其心之所自出
言民則謹其心之所自施禮樂教化心之發
也典章文物心之所著也家齊國治而天下平
德其盛矣乎二帝三王存此
心之推也心之者也夏維禹受之此心者也太甲成王困
而存此心者也存則治亡則亂治亂之分顧
其心之存不存如何耳後世人主有志於二



帝三王之治不可不求其道有志於二帝三
王之道不可不求其心求心之要舍是書何
以哉况自受讀以來沈潛其義參考象說融
會貫通迺敢析衷微辭奧旨多述舊聞二典
禹謨先生蓋嘗是正手澤尚新嗚呼惜哉集
傳本先生所命故凡引用師說不復識別四
代之書分為六卷文以時異治以道同聖人
之心見於書猶化工之妙著於物非精深不
能識也是傳也於堯舜禹湯文武周公之心

雖未必能造其微於堯舜禹湯文武周公之
書因是訓詁亦可得其指意之大略矣嘉定
己巳三月既望武夷蔡沉序

書篇目

虞書

堯典

大禹謨

益稷

夏書

禹貢

五子之歌

商書

舜典

皋陶謨

甘誓

胤征

湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

周書

泰誓上

泰誓中

泰誓下

牧誓

武成

今考定武成

洪範

旅獒

金縢

大誥

微子之命

康誥

酒誥

梓材

召誥

洛誥

多士

無逸

君奭

蔡仲之命

多方

立政

周官

君陳

顧命

康王之誥

畢命

君牙

冏命

呂刑

文侯之命

費誓

秦誓

書

虞書

堯典

曰若稽古帝堯曰放勳欽明文思安安允恭
 克讓光被四表格于上下克明俊德以親九
 族九族既睦平章百姓百姓昭明協和萬邦
 黎民於變時雍乃命羲和欽若昊天曆象日
 月星辰敬授人時分命羲仲宅嵎夷曰暘谷
 寅賓出日平秩東作日中星鳥以殷仲春厥

民析鳥獸擊尾申命羲叔宅南交平秩南訛
敬致日永星火以正仲夏厥民因鳥獸希革
分命和仲宅西曰昧谷寅餼納日平秩西成
宵中星虛以殷仲秋厥民夷鳥獸毛毳申命
和叔宅朔方曰幽都平在朔易日短星昴以
正仲冬厥民凜鳥獸氄毛帝曰咨汝羲暨和
朞三百有六旬有六日以閏月定四時成歲
允釐百工庶績咸熙帝曰疇咨若時登庸放
齊曰胤子朱啓明帝曰吁嚚訟可乎帝曰疇

咨若予采驩堯曰欽共工方鳩僝功帝曰吁
靜言庸違象恭洧天帝曰咨四岳湯湯洪水
方割蕩蕩懷山襄陵浩浩流天下民其咨有
能俾乂兪曰於鯀帝曰吁咈哉方命圮族
岳曰异哉試可乃已帝曰往欽哉九載績用
弗成帝曰咨四岳朕在位七十載汝能庸命
巽朕位岳曰否德忝帝位曰明明揚側陋師
錫帝曰有齔在下曰虞舜帝曰兪子聞如何
岳曰暫子父頑母嚚象傲克諧以孝烝烝乂

不格姦帝曰我其試哉女子時觀厥刑于二
女釐降二女于鳩汭嬪于虞帝曰欽哉

舜典

曰若稽古帝舜曰重華協于帝濬哲文明溫
恭允塞玄德升聞乃命以位慎徽五典五典
克從納于百揆百揆時叙賓于四門四門穆
穆納于大麓烈風雷雨弗迷帝曰格汝舜詢
事考言乃言底可績三載汝陟帝位舜讓于
德弗嗣正月上日受終于文祖在璿璣玉衡

以齊七政肆類于上帝禋于六宗望于山川
編于群神輯五瑞既月乃日覲四岳群牧班
瑞于群后歲二月東巡守至于岱宗柴望秩
于山川肆覲東后協時月正日同律度量衡
修五禮五玉三帛二生一死贄如五器卒乃
復五月南巡守至于南岳如岱禮八月西巡
守至于西岳如初十有一月朔巡守至于北
岳如西禮歸格于藝祖用特五載一巡守群
后四朝敷奏以言明試以功車服以庸肇十

有二州封十有二山濬川象以典刑流宥五
刑鞭作官刑扑作教刑金作贖刑青災肆赦
怙終賊刑欽哉欽哉唯刑之恤哉流共工于
幽州放驩兜于崇山竄三苗于三危殛鯀于
羽山四罪而天下咸服二十有八載帝乃殂
落百姓如喪考妣三載四海遏密八音月正
元日舜格于文祖詢于四岳闢四門明四目
達四聰咨十有二牧曰食哉惟時柔遠能通
惇德允元而難任人蠻夷率服舜曰咨四岳

有能奮庸陞帝之載使宅百揆亮采惠疇僉
曰伯禹作司空帝曰俞咨禹汝平水土惟時
懋哉禹拜稽首讓于稷契暨皋陶帝曰俞汝
往哉帝曰棄黎民阻饑汝后稷播時百穀帝
曰契百姓不親五品不遜汝作司徒敬敷五
教在寬帝曰皋陶蠻夷猾夏寇賊姦宄汝作
士五刑有服五服三就五流有宅五宅三居
惟明克允帝曰疇若予工僉曰垂哉帝曰俞
咨垂汝共工垂拜稽首讓于及新暨伯與帝

曰俞往哉汝諧帝曰疇若予上下以草木鳥獸
僉曰益哉帝曰俞咨益汝作朕虞益拜稽首
讓于朱虎熊羆帝曰俞往哉汝諧帝曰咨四
岳有能典朕三禮僉曰伯夷帝曰俞咨伯汝
作秩宗夙夜惟寅直哉惟清伯拜稽首讓于
夔龍帝曰俞往欽哉帝曰夔命汝典樂教胄
子直而溫寬而栗剛而無虐簡而無傲詩言
志歌永言聲依永律和聲八音克諧無相奪
倫神人以和夔曰於予擊石拊石百獸率舞

帝曰龍朕聖謏說殄行震驚朕師命汝作納
言夙夜出納朕命惟允帝曰咨汝二十有二
人欽哉惟時亮天功三載考績三考黜陟幽
明厥績咸遜分北三苗舜年三十徵庸二十
在位五十載陟方乃死

大禹謨

曰若稽古大禹曰文命敷于四海祗承于帝
曰右克艱厥后臣克艱厥臣政乃乂黎民敏
德帝曰俞允若茲嘉言罔攸伏野無遺賢萬

邦咸寧稽于象舍已從人不虐無苦不嚴困
窮惟帝時克益曰都帝德廣運乃聖乃神乃
武乃文皇天眷命奄有四海為天下君禹曰
惠迪吉從逆凶惟影響益曰吁戒哉儆戒無
虞罔失法度罔遊于逸罔淫于樂任賢勿貳
去邪勿疑殷謀勿成百志惟熙罔遠道以干
百姓之譽罔畔百姓以從己之欲無怠無荒
四夷來王禹曰於帝念哉德惟善政政在養
民水火金木土穀惟修正德利用厚生惟和

九功惟叙九叙惟歌戒之用休董之用威勸
之以九歌俾勿壞帝曰俞地平天成六府三
事允洽萬世永賴時乃功帝曰格汝禹朕宅
帝位三十有三載耄期倦于勤汝惟不怠總
朕師禹曰朕德罔克民不依臯陶邁種德德
乃降黎民懷之帝念哉念茲在茲釋茲在茲
名言茲在茲允出茲在茲惟帝念功帝曰臯
陶惟茲臣庶罔或干予正汝作士明于五刑
以弼五教期于予治刑期于無刑民協于中

時乃功懋哉臯陶曰帝德罔愆臨下以簡御
衆以寬罰弗及嗣賞迄于世宥過無大刑故
無小罪疑惟輕功疑惟重與其殺不辜寧失
不經好生之德洽于民心茲用不祀于有司
帝曰俾予從欲以治四方風動惟乃之休帝
曰來禹涿水警予成允成功惟汝賢克勤于
邦克儉于家不自滿假惟汝賢汝惟不矜天
下莫與汝爭能汝惟不伐天下莫與汝爭功
予懋乃德嘉乃丕績天之曆數在爾躬汝終

涉元后人心惟危道心惟微惟精惟一允執
厥中無稽之言勿聽弗詢之謀勿庸可受非
君可畏非民象非元后何戴后非衆罔與守
邦欽哉懷乃有位敬修其可願四海困窮天
祿永終惟口出好興戎朕言不再禹曰枚卜
功臣惟吉之從帝曰禹官占惟先蔽志昆命
于元龜朕志先定詢謀僉同鬼神其依龜筮
協從卜不習吉禹拜稽首固辭帝曰毋惟汝
謫正月朔旦受命于神宗率百官若帝之初

帝曰咨禹惟時有苗弗率汝得征禹乃會群后
誓于師曰濟濟有衆咸聽朕命蠢茲有苗昏
迷不恭侮慢自賢反道敗德君子在野小人
在位民棄不保天降之咎肆予以爾衆士奉
辭伐罪爾尚一乃心力其克有勳三旬苗民
逆命益贊于禹曰惟德動天無遠弗届滿招
損謙受益時乃天道帝初于歷山往于田日
號泣于旻天于父母負罪引慝祗載見馨叟
憂憂齊慄慄亦允若至誠感神初茲有苗禹

拜昌言曰俞班師振旅帝乃誕敷文德舞干
羽于兩階七旬有苗格

皋陶謨

曰若稽古皋陶曰允迪厥德謨明弼諧禹曰
俞如何皋陶曰都慎厥身脩思永惇叙九族
庶明勵翼通可遠在茲禹拜昌言曰俞皋陶
曰都在知人在安民禹曰吁咸若時惟帝其
難之知人則哲能官人安民則惠黎民懷之
能哲而惠何憂乎驩兜何遷乎有苗何畏乎

巧言令色孔子臯陶曰猷亦行有九德亦言
其人有德乃言曰載采采禹曰何臯陶曰寬
而栗柔而立愿而恭亂而敬擾而毅直而溫
簡而廉剛而塞疆而義彰厥有常吉哉曰宣
三德夙夜浚明有家日嚴祗敬六德亮采有
邦翕受敷施九德咸事俊乂在官百僚師師
百工惟時撫于五辰庶績其凝無教逸欲有
邦兢兢業業一日二日萬幾無曠廢官天工
人其代之天叙有典勅我五典五惇哉天秩

有禮自我五禮有庸哉同寅協恭和衷哉天
命有德五服五章哉天討有罪五刑五用哉
政事懋哉懋哉天聰明自我民聰明天明畏
自我民明威達于上下敬哉有土臯陶曰朕
言惠可底行禹曰俞乃言底可績臯陶曰予
未有知思曰贊贊襄哉

益稷

帝曰來禹汝亦昌言禹拜曰都帝予何言予
思曰孜孜臯陶曰吁如何禹曰洪水滔天浩

浩懷山襄凌下民昏墊予乘四載隨山刊木
暨益奏庶鮮食予決九州距四海濬畎澮距
川暨稷播奏庶艱食鮮食懋遷有無化居烝
民乃粒萬邦作乂臯陶曰兪帥汝昌言禹曰
都帝慎乃在位帝曰兪禹曰安汝止惟幾惟
康其弼直惟動丕應履志以昭受上帝天其
申命用休帝曰吁臣弼哉鄰哉鄰哉臣弼禹曰
兪帝曰臣作朕股肱耳目予欲左右有民汝
翼予欲宣力四方汝為予欲觀古人之象日

月星辰山龍華蟲作會宗彝藻火粉米黼黻
絺繡以五采彰施于五色作服汝明予欲聞
六律五聲八音在治忽以出紉五言汝聽予
遠汝弼汝無面從退有後言欽四鄰庶頑詭
說若不在時候以明之撻以記之書用識哉
欲並生哉工以紉言時而賜之格則承之庸
之否則威之禹曰兪哉帝先天之下至于海
隅蒼生萬邦黎獻共惟帝臣惟帝時舉敷納
以言明庶以功車服以庸誰敢不讓敢不敬

應帝不時敷同日奏罔功無若母朱傲惟慢
遊是好教虐是作罔晝夜額額罔水行舟朋
淫于家用殄厥世予創若時安于塗山辛壬
癸甲啓呱呱而泣予弗子惟荒度土功弼成
五服至于五千州十有二師外薄四海咸達
五長各迪有功苗頑不即工帝其念我帝曰
迪朕德時乃功惟叙臯陶方祗厥叙方施象
刑惟明夔曰曷擊鳴球搏拊琴瑟以詠祖考
未格虞賓在位群后德讓下管鼗鼓合止祝

歌笙鏞以間鳥獸踏踏箛韶九成鳳凰來儀
夔曰於予擊石拊石百獸率舞庶尹允諧帝
庸作歌曰勅天之命惟時惟幾乃歌曰股肱
喜哉元首起哉百工熙哉臯陶拜手稽首颺
言曰念哉率作興事慎乃憲欽哉屢省乃成
欽哉乃賡載歌曰元首明哉股肱良哉庶事
康哉又歌曰元首叢脞哉股肱惰哉萬事墜
哉帝拜曰俞往欽哉

禹貢

禹敷土隨山刊木奠高山大川奠州既載壘
口治梁及岐既修大原至于岳陽覃懷底績
至于衡漳厥土惟白壤厥賦惟上上錯厥田
惟中中恒衛既從大陸既作島夷皮服夾右
碣石入于河濟河惟兗州九河既道雷夏既
澤灘沮會同桑土既蠶是降丘宅土厥土黑
墳厥草惟繇厥木惟條厥田惟中下厥賦貞
作十有三載乃同厥貢漆絲厥篚織文浮于

濟深達于河海岱惟青州岬夷既畧維淄其
道厥土白墳海濱廣斥厥田惟上下厥賦中
上厥貢鹽絺海物惟錯岱畎絲枲松栝石
萊夷作牧厥篚檿絲浮于汶達于濟海岱及
淮惟徐州淮沂其入蒙羽其藝大野既豬東
原底平厥土赤埴墳草木漸苞厥田惟上中
厥賦中中厥土貢惟土五色羽畎夏翟嶧陽孤
桐泗濱浮磬淮夷蠙珠暨魚厥篚玄纁編浮
于淮泗達于河淮海惟揚州彭蠡既豬陽鳥

攸居三江既入震澤底定篠簜既敷厥草惟
夫厥木惟喬厥土惟塗泥厥田惟下下厥賦
下上上錯厥貢惟金三品璫琨篠簜齒革羽
毛惟木島夷卉服厥篚織貝厥包橘柚錫貢
汭于江海達于淮泗荆及衡陽惟荊州江漢
朝宗于海九江既殷浚濬既道雲土夢作入
厥土惟塗泥厥田惟下中厥賦上下厥貢羽
毛齒革惟金三品柁幹栝栢礪砮砮舟惟篚
籛楛三邦底貢厥名包匭菁茅厥篚玄纁璣

組九江紉錫大龜浮于江沱潛漢逾于洛至
于南河荊河惟豫州伊洛溼潤既入于河榮
波既豬導荷澤被孟豬厥土惟壤下土墳壚
厥田惟中上厥賦錯上中厥貢漆糸絺紵厥
篚織纈錫貢磬錯浮于洛達于河華湯黑水
惟梁州岷嶓既藝沱潛既道蔡蒙稂平和夷
底績厥土青黎厥田惟下上厥賦下中三錯
厥貢瓊鐵銀鏤砮磬鼈鼉孤狸織皮西傾因
桓是來浮于洛逾于沔入于渭亂于河黑水

西河惟雍州弱水既西逕屬渭汭漆沮既從
澧水攸同荆岐既臻終南惇物至于鳥鼠原
隰底績至于豬野三危既宅三苗丕叙厥土
惟黃壤厥田惟上上厥賦中下厥貢惟球琳
琅玕淳于積石至于龍門西河會于渭汭織
皮崑崙析支渠搜西戎即叙導岍及岐至于
荆山逾于河壺口雷首至于太岳底柱析城
至于王屋太行恒山至于碣石入于海西傾
朱圉鳥鼠至于太華熊耳外方桐柏至于陪

尾導嶓冢至于荆山內方至于大別岷山之
陽至于衡山過九江至于敷淺原導弱水至
于合黎餘波入于流沙導黑水至于三危入
于南海導河積石至于龍門南至于華陰東
至于底柱又東至于孟津東過洛汭至于大
伾北過滌水至于大陸又北播為九河同為
逆河入于海嶓冢導漾東流為漢又東為滄
浪之水過三澨至于大別南入于江東匯澤
為彭蠡東為北江入于海岷山導江東別為

沱又東至于澧過九江至于東陵東迤北會
焉匯東為中江入于海道于沆水東流為濟入
于河溢為潑東出于陶丘北又東至于荷又
東北會于汶又北東入于海道淮自桐柏東
會于泗沂東入于海道漕自烏鼠同穴東會
于澧又東會于涇又東過漆沮入于河道洛
自盤耳東北會于澗澤又東會于伊又東北
入于河九州攸同四溟既宅九山刊旅九川
滌源九澤既陂四海會同六府孔修庶土交

正底慎財賦咸則三壤成賦中邦錫士姓祗
台德先不距朕行五百里甸服百里賦納總
二百里納銍三百里納秸服四百里粟五百
里米五百里侯服百里采二百里男邦三百
里諸侯五百里綏服三百里揆文教二百里
奮武衛五百里要服三百里夷二百里蔡五
百里荒服三百里蠻二百里流東漸于海西
被于流沙朔南暨聲教訖于四海禹錫玄圭
告厥成功

甘誓

大戰于甘乃召六卿王曰嗟六事之人予誓
告汝有扈氏威侮五行怠棄三正天用勦絕
其命今予惟恭行天之罰左不攻于左汝不
恭命右不攻于右汝不恭命御非其馬之正
汝不恭命用命賞于祖不用命戮于社予則
擊戮汝

五子之歌

太康尸位以逸豫滅厥德黎民咸戴乃盤遊

無度畋于有洛之表十旬弗反有窮后羿因
民弗忍距于河厥弟五人御其母以從遂于
洛之汭五子咸怨述大禹之戒以作歌其一
曰皇祖有訓民可近不可下民惟邦本本固
邦寧予視天下愚夫愚婦一能勝予一人三
失怨豈在明不見是圖予臨兆民懲于若朽
索之馭六馬為人上者奈何不敬其二曰訓
有之內作色荒外作禽荒甘酒嗜音峻宇雕
墉有一於此未或不亡其三曰維彼陶唐有

此冀方今失厥道亂其紀綱乃底滅亡其四
曰明明我祖萬邦之君有典有則貽厥子孫
闕石和鈞王府則有荒墜厥緒覆宗絕祀其
五曰嗚呼曷歸予懷之悲萬姓仇予予將疇
依鬱陶予予心顏厚有忸怩弗慎厥德雖悔
可追

胤征

惟仲康肇位四海胤侯命掌六師羲和廢厥
職酒荒于厥邑胤侯承王命徂征告于衆曰

嗟予有象罔有謨訓明徵定保先王克謹天
戒臣人克有常儀百官修輔厥后惟明每歲
孟春道人以大鐸徇于路官師相規工執絜
事以諫其或不恭邦有常刑惟時羲和顛覆
厥德沉亂于酒昧官離次俶擾天紀遜棄厥
司乃季秋月朔辰弗集于房瞽奏鼓鼈夫馳
庶人走義和尸厥官罔聞知昏迷于天象以
于先王之誅政典曰先時者殺無赦不及時
者殺無赦今予以爾有象奉將天罰爾衆士

同力王室尚綱予欽承天子威命火炎焜罔
玉石俱焚天吏逸德烈于猛火殲厥渠魁費
從罔治蕞滌汚俗咸與維新嗚呼威克厥愛
允濟愛克厥威允罔功其爾象士懋戒哉

商書

湯誓

王曰格爾象厥恣聽朕言非台小子敢行稱
亂有夏多罪天命殛之今爾有象汝曰我后
不恤我象舍我穡事而割正夏予惟聞汝象

言夏氏有罪予畏上帝不敢不正今汝其曰
夏罪其如台夏王率遏衆力率割夏邑有象
率怠弗協曰時日曷喪予及汝偕亡夏德若
茲今朕必往爾尚輔予一人致天之罰予其
大賚汝爾無不信朕不食言爾不從哲言予
則孥戮汝罔有攸赦

仲虺之誥

成湯放桀于南巢惟有懃德曰予恐末世以
台爲口實仲虺乃作誥曰嗚呼惟天生民有

欲無主乃亂惟天生聰明時又有夏啓德民
墜塗炭天乃錫王勇智表正萬邦續禹舊服
茲率厥典奉若天命夏王有罪矯誣上天以
布命于下帝用不減武商受命用喪厥師簡
賢附勢寔繁有徒肇我邦于有夏若苗之有
莠若粟之有秕小大戰戰罔不懼于非辜矧
予之德言三聽聞惟王不遁聲色不殖貨利
德懋懋官功懋懋賞用人惟己改過不吝克
寬克仁輒信兆民乃葛治仇餉初征自葛東

征西夷怨南征北狄怨曰奚獨後予攸徂之
民室家相慶曰徯予后后来其蘇民之戴商
厥惟雋哉佑賢輔德顯忠遂良兼弱攻昧取
亂侮亡推亡固存邦乃其昌德曰新萬邦惟
懷志自滿九族乃離王懋昭大德達中于民
以義制事以禮制心垂裕後昆予聞曰能自
得師者王謂人莫己若者亡好問則裕自用
則小鳴等慎厥終惟其始殖有禮覆昏暴欽
宗天道永保天命

湯誥
王歸自克夏至于亳詎告萬方王曰嗟爾萬
方有衆明聽予一人誥惟皇上帝降衷于下
民若有恒性克綏厥猷惟后夏王滅德作威
以敷虐于爾萬方百姓爾萬方百姓罹其凶
害弗忍荼毒並告無辜于上下神祇天道福
善禍淫降災于夏以彰厥罪肆台小子將天
命明威不敢赦敢用玄牡敢昭告于上天神
后請罪有夏率求元聖與之戮力以與爾有

衆請命上天字佑下民罪人黜伏天命弗僭
貴若草木兆民允殖保予一人輯寧爾邦家
茲朕未知獲戾于上下慄慄危懼若將墮于
深淵凡我造邦無從匪彞無即愰淫各守爾
典以承天休爾有善朕弗敢蔽罪當朕躬弗
敢自赦惟簡在上帝之心其爾萬方有罪在
予一人予一人有罪無以爾萬方嗚呼尚克
時忱乃亦有終

伊訓

惟元祀十有二月乙丑伊尹祠于先王奉嗣
王祗見厥祖侯甸羣后咸在百官總已以聽
冢宰伊尹乃明言烈祖之成德以訓于王曰
嗚呼古有夏先后方懋厥德罔有天災山川
鬼神亦莫不寧暨鳥獸魚鼈咸若于其子孫
弗率皇天降災假手于我有命造攻自鳴條
朕貳自亳惟我高王布昭聖武代虐以寬兆
民允懷今王嗣厥德罔不在初立愛惟親立
敬惟長始于家邦終于四海嗚呼先王肇修

人紀從諫弗拂先民時若居上克明為下克
忠與人不求備檢身若不及以至于有萬邦
茲惟艱哉敷求哲人俾輔于爾後嗣制官刑
儆于有位曰敢有恒舞于宮酣歌于室時謂
巫風敢有殉于貨色恒于遊畋時謂淫風敢
有侮聖言逆忠直遠耆德比頑童時謂亂風
惟茲三風十愆卿士有一于身家必喪邦君
有一于身國必亡臣下不匡其刑墨具訓于
冢士嗚呼嗣王祗厥身念哉聖謨洋洋嘉言

孔敷惟上帝不常作善降之百祥作不善降
之百殃爾惟德罔小萬邦惟慶爾惟不德罔
大墜厥宗

大甲上

惟嗣王不惠于阿衡伊尹作書曰先王顧謨
天之明命以承上下神祇社稷宗廟罔不祇
肅天監厥德用集大命撫綏萬方惟尹躬克
左右厥辟宅師肆嗣王丕承基緒惟尹躬先
見于西邑夏自周有終相亦惟終其後嗣王

罔克有終相亦罔終嗣王戒哉祗爾厥辟辟
不辟忝厥祖王惟庸罔念聞伊尹乃言曰先
王時喪丕顯坐以待旦彛求俊彥啓迪後人
無越厥命以自覆慎乃儉德惟懷永圖若虞
機張往者括于度則釋欽厥止率乃祖攸行
惟朕以懌萬世有辭王未克變伊尹曰茲乃
不義習與性成予不狎于弗順營于桐宮密
通先王其訓無悞世迷王徂桐宮居憂克終
允德

惟三祀十有二月朔伊尹以冕服奉鬯王歸
于亳作書曰民非后罔克胥匡以生后非民
罔以辟四方皇天眷佑有商俾嗣王克終厥
德實萬世無疆之休王拜手稽首曰予小子
不聰于德自底不類欲敗度縱敗禮以速戾
于厥躬天作孽猶可違自作孽不可逭既往
背師傅之訓弗克于厥初尚賴匡救之德圖
惟厥終伊尹拜手稽首曰修厥身允德協于

太甲中

下惟明后先王子惠困窮民服厥命罔有不
悅並其有邦厥鄰乃曰徯我后后来無罰王
懋乃德視乃烈祖無時豫怠奉先思孝接下
思恭視遠惟明聽德惟聰朕承王之休無
斃

太甲下

伊尹申誥于王曰嗚呼惟天無親克敬惟親
民罔常懷懷于有仁鬼神無常享享于克誠
天位艱哉德惟治否德亂與治同道罔不興

與亂同事罔不亡終始慎厥與惟明明后先
王惟時懋敬厥德克配上帝今王嗣有令緒
尚監茲哉若升高必自下若涉遐必自迺無
輕民事惟難無安厥位惟危慎終于始有言
逆于汝心必永諸道有言遜于汝志必永諸
非道嗚呼弗慮胡獲弗為胡成一人元良萬
邦以貞君罔以辯言亂舊政臣罔以寵利居
成功邦其永孚于休

咸有一德

伊尹既復政厥辟將告歸乃陳戒于德曰嗚
呼天難謀命靡常常厥德保厥位厥德靡常
九有以亡夏王弗克庸德慢神虐民皇天弗
保暨于萬方啓迪有命眷求一德俾作神主
惟尹躬暨湯咸有一德克享天心受天明命
以有九有之師爰革夏正非天私我有商惟
天佑于一德非商求于下民惟民歸于一德
德惟一動罔不吉德二三動罔不凶惟吉凶
不僭在人惟天降災祥在德今嗣王新服厥

命惟新厥德終始惟一時乃日新任官惟賢
才左右惟其人臣為上為德為下為民其難
其慎惟和惟一德無常師主善為師善無常
主協于克一俾萬姓咸曰大哉王言又曰一
哉王心克綏先王之祿永底烝民之生嗚呼
七世之廟可以觀德萬夫之長可以觀政后
非民罔使民非后罔事無自廣以狹人匹夫
匹婦不獲自盡民主罔與成厥功

盤庚上

盤庚遷于般民不迪有居率籲象厥出矢言
曰我王來既爰宅于茲重我民無盡鑿不能
胥匡以生卜筮曰其如台先王有服恪謹天
命茲猶不常寧不常厥邑于今五邦今不承
于古罔知天之斷命矧曰其克終先王之烈
若顛木之有由篠天其永我命于茲新邑紹
復先王之太業底綏四方盤庚敷于民由乃
在位以常舊服正法度曰無或敢伏小人之
攸箴王命服悉至于庭王若曰格汝象予告

汝訓汝敵黜乃心無傲從康古我先王亦惟
圖任舊人共政王播告之修不遷厥指王用
丕欽罔有逸言民用丕寢今汝聒聒起信陰
膚予不知乃所訟非予自荒茲德惟汝舍德
不揚予一人予若觀火予亦拙謀作乃逸若
網在綱有條而不紊若農服田力穡乃亦有
秋汝克黜乃心施實德于民至于婚友丕乃
敢大言汝有積德乃不畏戎毒于遠邇惟農
自安不昏作勞不服田畝越其罔有黍稷汝

不和吉言子百姓惟汝自生毒乃敗禍茲究
以自災于厥身乃既先惡于民乃奉其罔汝
悔身何及相時檢民猶昏顧于箴言其發有
逸口矧予制乃長短之命汝曷不告朕而昏
動以浮言恐沉于象若火之燎于原不可嚮
迺其猶可撲滅則惟汝象自作弗請非予有
咎遲任有言曰人惟求舊器非求舊惟新古
我先王暨乃祖乃父昏及逸勤予敢動用非
罰世選爾勞予不掩爾善茲予大亨子先生

爾祖其從與享之作福作災予亦不敢動用
非德予告汝于難若射之有志汝無侮老成
人無弱孤有幼各長于厥居勉出乃力聽予
一人之作敵無有遠邇用罪伐厥死用德敵
厥善邦之臧惟汝衆邦之不臧惟予一人有
供罰凡爾衆其惟致告自今至于後日各恭
爾事齊乃位度乃口罰及爾身弗可悔

盤庚中

盤庚作惟涉河以民遷乃詒民之弗率詎告

用亶其有象咸造勿繫在王庭盤庚乃登進
厥民曰明聽朕言無荒失朕命嗚呼古我前
后罔不惟民之承保后胥懋鮮以不浮于天
時殷降大虐先王不懷厥攸作視民利用遷
汝曷不念我古后之聞承汝僕汝惟喜康共
非汝有咎比于罰予若籲懷茲新邑亦惟汝
故以丕從厥志今予將試以汝遷安定厥邦
汝不憂朕心之攸困乃咸大不信乃心欽念
以恠動予一人爾惟自鞠自若若乘舟汝弗

濟臭厥載爾忱不屬惟脊以沉不其或稽自
怒曷瘳汝不謀長以思乃災汝誕勸夏憂其
有今罔後汝何生在上今予命汝一無起穢
以自臭恐人倚乃身運乃心予迓續乃命于
天予豈汝威用奉畜汝衆予念我先神后之
勞爾先予丕克羞爾用懷爾庶失于政陳于
茲高后丕乃崇降罪疾曰曷虐朕民汝萬民
乃不生生啓予一人敵同心先后丕降輿汝
罪瘳曰曷不啓朕幼孫有比故有爽德自上

其罰汝汝罔能迪古我先后既勞乃祖乃父
汝共作我蕃民汝有我則在乃心我先后綏
乃祖乃父乃禔乃父乃斷棄汝不赦乃死茲
予有亂故同位具乃貝玉乃祖乃父丕乃告
我高后曰作丕刑于朕孫迪高后丕乃崇降
弗祥嗚呼今予告汝不易永敬大恤無胥絕
遠汝分敵念以相從各設中于乃心乃有不
吉不迪顛越不恭暫遇姦宄我乃劓殄滅之
無遺音無俾易種于茲新邑徃茲生生今予

將試以汝遷永建乃家

盤庚下

盤庚既遷奠厥攸居乃正厥位綏爰有象曰
無戲志懋建大命令予其敷心腹腎腸歷告
爾百姓于朕志罔罪爾象爾無共怒恻比諂
言予一人古我先王將多于前功適于山用
降我凶德嘉績于朕邦今我民用蕩析離居
罔有定極爾謂朕曷震動萬民以遷肆上帝
將復我高祖之德亂越我家朕及篤敬恭承

民命用永地于新邑肆予冲人非廢厥謀
昂由靈各非敢違卜用宥茲貢嗚呼邦伯師
長百執事之人尚皆隱哉予其懋簡相爾念
敬我象朕不宥好貨敢恭生牛鞠人謀人之
保居叙欽今我既羞告爾于朕志若罔有
不欽無總于貨寶生生自庸式敷民德永肩
一心

說命上

王宅憂亮陰三祀既免喪其惟弗言群臣咸

諫于王曰嗚呼知之曰明哲明哲實作則天
子惟君萬邦百官承式王言惟作命不言臣
下罔攸稟令王庸作書以誥曰以台正于四
方恐台德弗類茲故弗言恭默思道憂亭養
予良弼其代予言乃審厥象俾以形旁求于
天下說箚傳巖之野惟肖爰立作相王置諸
其左右命之曰朝夕納誨以輔台德若金用
汝作礪若濟巨川用汝作舟楫若歲大旱用
汝作霖雨啓乃心沃朕心若藥弗瞑眩厥疾
弗瘳若跣弗視地厥足用傷惟既暨乃僚罔不
同心以匡乃辟俾率先王迪我高后以康兆
民嗚呼欽予時命其惟有終說復于王曰惟
木從繩則正后從諫則明后克聖臣不命其
承疇敢不祗若王之休命

說命中

惟說命總百官乃進于王曰嗚呼明王奉若
天道達邦設都樹后王君公承以大夫師長
不惟逸豫惟以亂民惟天聰明惟聖時憂惟

臣欽若惟民從人惟口起羞惟甲冑起戎惟
衣裳在笥惟干戈省厥躬王惟戒茲允茲克
明乃罔不休惟治亂在廢官官不及私昵惟
其能爵罔及惡德惟其賢慮善以動動惟厥
時有其善喪厥善矜其能喪厥功惟事事乃
其有備有備無患無啓寵納侮無恥過作非
惟厥攸居政事惟醇黷于祭祀時謂弗欽禮
煩則亂事神則難王曰吉哉說乃言惟服乃
不良于言予罔聞于行說拜稽首曰非知之

艱行之惟艱王忱不艱允協于先王成德惟
說不言有厥咎

說命下

王曰來汝說台小子舊學于甘盤既乃陟于
荒野入宅于河自河徂亳暨厥終罔顯爾惟
訓于朕志若作酒醴爾惟麴蘖若作和羹爾
惟鹽梅爾交修予罔予棄予惟克邁乃訓說
曰王人亦多間時惟達事學于古訓乃有獲
事不師古以克永世匪說攸聞惟學遜志務

時敏厥修乃來允懷于茲道積于厥躬惟敷
學半念終始典于學厥德修罔覺監于先王
成憲其永無愆惟說式克欽承旁招俊乂列
于庶位王曰嗚呼訖四海之內咸仰朕德時
乃風股肱惟人良臣惟聖昔先正保衡作我
先王乃曰予弗克俾厥后惟克舜其心愧恥
若撻于市一夫不獲則曰時予之辜佑我烈
祖格于皇天爾尚明保予罔俾阿衡專美有
商惟后非賢不乂惟賢非后不食其爾克紹

乃辟于先王永綏民說拜稽首曰敢對揚天子
之休命

高宗朕日

高宗朕日越有雉雉祖已曰惟先格王正厥
事乃訓于王曰惟天監下民典厥義降年有
永有不永非天殒民中絕命民有不若德
不聽罪天既享命正厥德乃曰其如台嗚呼
王司敬民罔非天胤典祀無豐于昵

西伯戡黎

西伯既戡，紂祖伊恐，奔告于王曰：「天子天既訖我殷命，格人元龜，罔敢知吉。非先王不相我後人，惟王淫戲，用自絕，故天棄我，不有康食。不虞天性，不迪率典。今我民罔弗欲喪，曰：『天曷不降威！』大命不摯。今王其如台？」王曰：「嗚呼！我生不有命在天。」祖伊又曰：「嗚呼！乃罪多，紂在上，乃能責命于天。殷之即喪，指乃功，不無戮于爾邦。」

微子

微子若曰：「父師、少師，殷其不或亂，正四方。我祖底遂陳于上，我用沉酗于酒，用亂敗厥德。于下，殷罔不小大，好草竊，姦宄，卿士師師，非度，凡有罪辜，乃罔恤獲，小民方興，相為敵讎。今殷其淪喪，若涉大水，其無津涯。殷遂喪，越至于今日。父師、少師，我其發出狂，吾家韃遜于荒。今爾無指告予，顛濟若之，何其父師若曰：『王子天毒降災，荒殷邦，方興沉酗于酒，乃罔畏，畏咎其耆長，舊有位人。今殷民乃攘竊。」

神祇之犧牲用以容將食無災降監殷民
用乂難斂召敵辭不怠罪合于一多瘠罔詔
商今其有災我興受其敗商其淪喪我罔為
臣僕詔王子出迪我舊云刻子王子弗出我
乃顛濟自靖人自獻于先王我不顧行遯

周書

恭誓言上

惟十有三年春大會于孟津王曰嗟我友邦
冢君越我御事廢士明聽誓惟天地萬物父

母惟人萬物之靈靈聰明作元后元后作民
父母今商王受不敬上天降災下民沉湎冒
色敢行暴虐罪人以族官人以世惟宮室臺
榭陂池侈服以殘害于爾萬姓焚炙忠良剝
剔孕婦皇天震怒命我文考肅將天威大勳
未集肆予小子發以爾友邦冢君觀政于商
惟受罔有悛心乃夷居弗事上帝神祇遺厥
先宗廟弗祀犧牲粢盛既于凶盜乃曰吾有
民有命罔懲其侮天佑下民作之君作之師

惟其克相上帝寵綏四方有罪無罪予曷敢
有越厥志同力度德同德度義受有臣億萬
惟億萬心予有臣三千惟一心商罪貫盈天
命誅之予弗順天厥罪惟鈞予小子夙夜祗
懼受命文考類于上帝宜于冢土以爾有象
祗天之罰天矜于民民之所欲天必從之爾
尚弼予一人永清四海時哉不可失

恭誓言中

維戊午王次于河朔群后以師畢會王乃徇

師而誓曰嗚呼西土有象咸聽朕言我聞吉
人為善惟日不足凶人為不善亦惟日不足
今商王受力行無度播棄黎老昵比罪人淫
酗肆虐臣下化之朋家作仇脅權相滅無辜
籲天穢德彰聞惟天惠民惟辟奉天有夏桀
弗克若天流毒下國天乃佑命成湯降黜夏
命惟受罪浮于桀利喪元良賊虐諫輔謂已
有天命謂敬不忌行謂祭無益謂暴無傷厥
鑿惟不遠在彼夏王天其以予人民朕夢恻

朕卜龍于休祥戎高必克受有億兆夷人離
心離德予有亂臣十人同心同德雖有周親
不如仁人天視自我民視天聽自我民聽百
姓有過在予一人今朕必往我武惟揚侵于
之疆取彼凶殘我伐用張于湯有光勗哉夫
子罔或無畏寧執非敵百姓懍懍若崩厥角
嗚呼乃一德一心立定厥功惟克永世

恭誓下

時厥明王乃大巡六師明誓衆士王曰嗚呼

我西土君子天有顯道厥類惟彰今高王受
狎侮五常荒怠弗敬自絕于天結怨于民斷
朝涉之脛割賢人之心作威殺戮毒痛四海
崇信姦回放黜師保屏棄典刑囚奴正士郊
社不修宗廟不享作奇技淫巧以悅婦人上
帝弗順祝降時喪爾其孜孜奉予一人恭行
天罰古人有言曰撫我則后虐我則讎獨夫
受洪惟作威乃汝世讎樹德務茲除惡務本
肆予小子誕以爾衆士殄殲乃讎爾衆士其

尚迪果毅以登乃辟功多有厚賞不迪有顯
戮嗚呼惟我文考若日月之照臨光于四方
顯于西土惟我有周誕受多方予克受非予
武惟朕文考無罪受克予非朕文考有罪惟
予小子無良

牧誓

時甲子昧爽王朝至于商郊牧野乃誓王左
杖黃鉞右秉白旄以麾曰逖矣西土之人王
曰嗟我友邦冢君御事司徒司馬司空亞旅

師內予夫長百夫長及庸蜀羌鬻微盧彭濮
人稱爾文比爾干立爾予其誓王曰古人
有言曰牝雞無晨牝雞之晨惟家之索今商
王受惟婦言是用昏棄厥肆祀弗答昏棄厥
遺王父母弟不迪乃惟四方之多罪逋逃是
崇是長是信是使是以為大夫卿士俾暴虐
子百姓以茲究于商也今予發惟恭行天之
罰今日之事不愆于六步七步乃止齊焉夫
子勗我不愆于四伐五伐六伐七伐乃止齊

焉勗哉夫子尚桓桓如虓如貔如熊如羆于
商郊弗迓克奔以紂西土勗哉夫子爾弗
勗其于爾躬有戮

武成

惟一月壬辰旁死魄越翼日癸巳王朝步自
周于征伐商厥四月哉生明王来自商至于
豐乃偃武修文歸馬于華山之陽放牛于桃
林之野示天下弗服丁未祀于周廟邦甸侯
衛駿奔走執豆蓬越三日庚戌柴望大告武

成既生魄廢邦冢君監百工受命于周王若
曰嗚呼群后惟先王達邦啓土公劉克篤前
烈至于大王肇基王迹王季其勤王家我文
考文王克成厥勳誕膺天命以撫方夏大邦
畏其力小邦懷其德惟九年大統未集予小
子其承厥志底商之罪告于皇天后土所過
名山大川曰惟有道曾孫周王叢將有大正
于商今商王受無道暴殄天物害虐烝民為
天下逋逃主萃淵藪予小子既獲仁人敢祗

承上帝以遏亂略率夏蠻罔不率俾恭天
成命肆予東征綏厥士女惟其士女篚厥玄
黃昭我周王天休震動用附我大邑周惟爾
有神尚克相予以濟兆民無作神羞既戊午
師渡孟津癸亥陳于商郊俟天休命甲子昧
爽受率其旅若林會于牧野罔有敵于我師
前徒倒戈攻于後以北血流漂杵一戎衣天
下大定乃反商政改由舊釋箕子囚封比干
墓式商容閭散鹿臺之財發鉅橋之粟大賚

于四海而萬姓悅服列爵惟五分土惟三建
官惟賢位事惟能重民五教惟食喪祭享信
明義崇德報功垂拱而天下治

今考定武成

惟一月壬辰旁死魄越翼日癸巳王朝步
自周于征伐商底商之罪告于皇天后土
所過名山大川曰惟有道當降周王敢將
有大正于商今商王受無道暴殄天物害
虐丞民為天下逋逃主萃淵藪予小子既

獲仁人敢祗承上帝以邊亂略率夏蠻緬
罔不率俾惟爾有神尚克相予以濟兆民
無作神羞既戊午師逾孟津癸亥陳于商
郊俟天休命甲子昧爽受率其旅若林會
于牧野罔有敵于我師前徒倒戈攻于後
以比血流漂杵一戎衣天下大定乃及商
政改由舊釋箕子囚封比于墓式商容閭
散鹿臺之財發鉅橋之粟大資于四海而
萬姓悅服厥四月哉生明王來自商至于

豐乃偃武修文歸馬于華山之陽放牛于
桃林之野示天下弗服既生醜廢邦冢君
暨百工受命于周丁未祀于周廟邾甸侯
衛駿奔走執豆蓬越三日庚戌柴望大告
武成王若曰嗚呼群后惟先王建邦啓土
公劉克篤前烈至于大王肇基王迹王季
其勤王家我文考文王克成厥勳誕膺天
命以撫方夏大邦畏其力小邦懷其德惟
九年大統未集予小子其承厥志恭天成

命肆予東征綏厥士女惟其士女篚厥玉
黃昭我周王天休震動用附我大邑周列
爵惟五分士惟三達官惟賢位事惟能重
民五教惟食喪祭惟信明義崇德報功垂
拱而天下治

洪範

惟十有三祀王訪于箕子王乃言曰嗚呼箕
子惟天陰隲下民相勸厥居我不知其彝倫
攸叙箕子乃言曰我聞在昔鯀湮洪水汨陳

其五行帝乃震怒不畀洪範九疇彝倫攸斁
鯀則殛死禹乃嗣興天乃錫禹洪範九疇彝
倫攸叙初一日五行次二曰敬用五事次三
曰農用八政次四曰協用五紀次五曰達用
皇極次六曰人用三德次七曰明用稽疑次
八曰念用庶徵次九曰嚮用五福威用六極
一五行一日水二曰火三曰木四曰金五曰
土水曰潤下火曰炎上木曰曲直金曰從革
土爰稼穡潤下作醜炎上作苦曲直作酸從

草作辛稼穡作廿二五事一曰貌二曰言三
曰視四曰聽五曰思貌曰恭言曰從視曰明
聽曰聰思曰睿恭作肅從作乂明作哲聰作
謀睿作聖三八政一曰食二曰貨三曰祀四
曰司空五曰司徒六曰司寇七曰賓八曰師
四五紀一曰歲二曰月三曰日四曰星辰五
曰曆數五皇極皇達其有極欽時五福用敷
錫厥庶民惟時厥庶民于汝極錫汝保極凡
厥庶民無有深朋人無有比德惟皇作極凡

厥庶民有敵有為有守汝則念之不恟于極
不罹于咎皇則受之而康而色曰予攸好德
汝則錫之福時人斯其惟皇之極無虐齔獨
而異高明人之有能有為使羞其行而邦其
昌凡厥正人既富方穀汝弗能使有好于而
家時人斯其辜于其無好德汝雖錫之福其
作汝用咎無偏無陂遵王之義無有作好遵
王之道無有作惡遵王之路無偏無黨王道
蕩蕩無黨無偏王道平平無反無側王道正

直會其有極歸其有極曰皇極之敷言是訓是
是訓于帝其訓凡厥庶民極之敷言是訓是
行以迓天子之光曰天子作民父母以爲天
下王六三德一曰正直二曰剛克三曰柔克
平康正直彊弗友剛克夙夜柔克沉潛剛克
高明柔克惟辟作福惟辟作威惟辟玉食臣
無有作福作威玉食臣之有作福作威玉食
其害于而家凶于而國人用側顛辟民用僭
忒七稽疑擇建三下筮人乃命卜筮曰兩曰

稽曰蒙曰騾曰克曰貞曰悔凡七卜五古用
二衍忒立時人作卜筮三人占則從二人之
言汝則有大疑謀及乃心謀及卿士謀及庶
人謀及卜筮汝則從龜從筮從卿士從庶民
從是之謂大同身其康彊子孫其逢吉汝則
從龜從筮從卿士從庶民從吉卿士從龜從
筮從汝則從庶民從吉庶民從龜從筮從汝
則從卿士從吉汝則從龜從筮從卿士從庶
民從作內吉作外凶龜筮共違于人用靜吉

用作凶八廢徵曰雨曰暘曰燠曰寒曰風曰
時五者素備各以其叙廢草蕃廢一極備凶
一極無凶曰休徵曰肅時雨若曰乂時暘若
曰哲時燠若曰謀時寒若曰聖時風若曰咎
徵曰狂恒雨若曰僭恒暘若曰豫恒燠若曰
急恒寒若曰蒙恒風若曰王省惟歲卿士惟
月師尹惟日歲日日時無易百穀用成乂用
明俊民用章家用平康日月歲時既易百穀
用不成乂用昏不明俊民用微家用不寧庶

民惟星星有好風星有好雨日月之行則有
冬有夏月之從星則以風雨九五福一曰壽
二曰富三曰康寧四曰攸好德五曰考終命
六極一曰凶短折二曰疾三曰憂四曰貧五
曰惡六曰弱

旅獒

惟克高遂遂通道于九夷八蠻西旅底貢厥獒
太保乃作旅獒用訓于王曰嗚呼明王慎德
四夷咸賓無有遠遁畢獻方物惟服食器用

王乃昭德之致于異姓之邦無替厥服分寶
玉于伯叔之國時庸展親人不易物惟德其
物德盛不狎侮狎侮君子罔以盡人心狎侮
小人罔以盡其力不役耳目百度惟貞玩人
喪德玩物喪志志以道寧言以道接不作無
益害有益功乃成不貴異物賤用物民乃足
犬馬非其土性不畜珍禽奇獸不育于國不
寶遠物則遠人格所寶所賢則通人安嗚呼
夙夜罔域不勤不矜細行終累大德為山九

仞功虧一簣允迪茲生民保厥居惟乃世王

金縢

既克商二年王有疾弗豫二公曰我其為王
穆卜周公曰未可以戚我先王公乃自以為
功為三壇同墠為壇於南方北面周公立焉
植璧秉珪乃告大王王季文王史乃冊祝曰
惟爾元孫其遘厲虐疾若爾三王是有丕
子之責于天以旦代某之身子仁若考能多
材多藝能事鬼神乃元孫不若旦多材多藝

不能事鬼神乃命于帝庭敷佑四方用能定
爾子孫于下地四方之民罔不祗畏嗚呼無
墜天之降寶命我先王亦永有依歸今我即
命于元龜爾之許我我其以璧與珪歸俟爾
命爾不許我我乃屏璧與珪乃卜三龜一羽
吉啓籥見書乃并是吉公曰體王其罔害予
小子新命于三王惟永終是圖茲依侯能念
予一人公歸乃納冊于金滕之匱中王翼日
乃瘞武王既喪管叔及其群弟乃流言於國

曰公將不利於孺子周公乃告二公曰我之
弗辟我無以告我先王周公居東二年則罪
人斯得于後公乃為詩以貽王名之曰鷓鴣
王亦未敢誚公秋大熟未穫天大雷電以風
禾盡偃大木斯拔邦人大恐王與大夫盡弁
以啓金滕之書乃得周公所自以為功代武
王之說二公及王乃問諸史與百執事對曰
信噫公命我勿敢言王執書以泣曰其勿穆
卜昔公勤勞王家唯予冲人弗及知今天動

威以彰周公之德惟朕小子其新遵我國家
禮亦宜之王出郊天乃雨及風未則盡起二
公命邦人凡大木所偃盡起而等之歲則大
熟

大誥

王若曰敵大誥爾多邦越爾御事弗吊天降
割于我家不少迺洪惟我幼冲人嗣無疆大
歷服弗造哲迪民康矧曰其有能格知天命
已予惟小子若涉淵水予惟往來朕攸濟敷

賁敷前人受命茲不忘大功予不敢開于天
降威用寧王遺我大寶龜紹天明即命曰有
大艱于西土西土人亦不靜越茲蠢殷小腆
誕敵紀其叙天降威知我國有疵民不康曰
予復及勗我周邦今蠢今翼百民獻有十夫
予翼以于教寧武圖切我有大事休朕卜并
吉肆予告我友邦君越尹氏庶士御事曰予
得吉卜予惟以爾庶邦于伐殷通播臣爾庶
邦君越庶士御事罔不反曰艱大民不靜亦

惟在王宮邦君室越予小子考翼不可征王
害不遠卜肆予冲人永思艱曰嗚呼允蠢鯨
寡哀哉予造天後遺大授艱于朕身越予冲
人不仰自恤義爾邦君越爾多士尹氏御事
綏予曰無災于恤不可不成乃寧考圖功已
予惟小子不敢替上帝命天休于寧王興我
小邦周寧王惟卜用克綏受茲命今天其相
民獨亦惟卜用嗚呼天咽畏弼我不丕基王
曰爾惟舊人爾丕克遠省爾知寧王若勤哉

天閱豈我成功爾予不敢不極率寧王圖事
肆予大化誘我友邦君天棐忱辭其考我民
予曷其不于爾寧人圖功攸終天亦惟用勤
嗟我民若有疾予曷敢不于爾寧人攸受休
畢王曰若昔朕其遊朕言艱曰思若考作室
既庶法厥子乃不肯堂矧肯構厥父舊厥子
乃不肯播爾音獲厥考翼其昔曰予有後弗
棄其肆予曷敢不越卬救寧王大命若兄考
乃有友伐厥子民養其勸弗救王曰嗚呼肆

哉爾庶邦君越爾御事喪邦由哲亦惟十人
迪知上帝命越天非忱爾時罔敢易法矧今
天降戾于周邦惟大艱人証鄰胥伐王厥室
爾亦不知天命不易予永念曰天惟喪殷若
穡夫予曷敢不終朕獻天亦惟休于爾寧人
予曷其極卜敢不于從率寧人有指疆土矧
今卜并吉肆朕証以爾東征天命不僭卜陳
惟若茲

微子之命

王若曰敵殷王元子惟稽古宗德象賢統承
先王修其禮物作賓于王家與國咸休永世
無窮嗚呼乃祖成湯克齊聖廣淵自天眷佑
誕受厥命撫民以寬除其邪虐功加于時德
垂後裔爾惟踐脩厥猷舊有令聞恪慎克孝
肅恭神人予嘉乃德曰篤不忘上帝時歆下
民祉協庸達爾于上公尹茲東夏欽哉往敷
乃訓慎乃厥命率由典常以蕃王室弘乃烈
祖律乃有民永綏厥位毗予一人世世享德

萬邦作式俾我有周無斁嗚呼往哉惟休無
咎朕命

康誥

惟三月哉生魄周公初基作新大邑于東國
洛四方民大和會侯甸男邦采衛百工播民
和見士于周周公咸勤乃洪大誥治王若曰
孟侯朕其第小子封惟乃丕顯考文王克昭
德慎罰不敢侮齔寡庸庸衎衎威威顯民用
肇造我區夏越我一二邦以修我西土惟時

怙冒聞于上帝帝休天乃大命文王殪戎殷
誕受厥命越厥邦厥民惟昧叙乃寡兄勗肆
汝小子封在茲東土王曰嗚呼封汝念哉今
民將在祗適乃文考紹聞衣德言往敷求于
殷先哲王用保大民汝丕遠惟商耆成人宅
心知訓別求聞由古先哲王用康保民弘于
天若德裕乃身不廢在王命王曰嗚呼小子
封恂瘳乃身敬哉天畏棗忱民情大可見小
人難保往盡乃心無康好逸豫乃其乂民我

聞曰怨不在大亦不在小惠不惠懋不懋已
汝惟小子乃服惟弘王應保殷民亦惟助王
宅天命作新民王曰嗚呼封敬明乃罰人有
小罪非眚乃惟終自作不典式爾有厥罪小
乃不可不殺乃有大罪非終乃惟眚災適爾
既道極厥辜時乃不可殺王曰嗚呼封有叙
時乃大明服惟民其勅懋和若有疾惟民其
畢弃咎若保赤子惟民其康乂非汝封刑人
殺人無或刑人殺人非汝封又曰剽則人無

或剽則人王曰外事汝陳時臬司師茲殷罰
有倫又曰要囚服念五六以至于旬時丕蔽
要囚王曰汝陳時臬事罰蔽殷彝用其義刑
義殺勿庸以次汝封乃汝盡遜曰時叙惟曰
未有遜事已汝惟小子未其有若汝封之心
朕心朕德惟乃知凡民自得罪寇攘姦宄殺
越人于貨賈不畏死罔弗憝王曰封元惡大
憝矧惟不孝不友子弗祗服厥父事大傷厥
孝心于父不能字厥子乃罔厥子于罔弗念

天顯乃弗克恭厥先兄亦不念鞠子哀大不
友于冢惟予茲不于我政人得罪天惟興我
民彝大泯亂曰乃其速由文王作罰刑茲無
赦不率大戛矧惟外廢子訓人惟厥正人越
小臣諸節乃別播敷造民大譽弗念弗庸厥
厥君時乃引惡惟朕慙已汝乃其速由茲義
率殺亦惟君惟長不能厥家人越厥小臣外
正惟威惟虐大發王命乃非德用又汝亦罔
不克敬典乃由裕民惟文王之敬忌乃裕民

曰我惟有及則予一人以擇王曰封喪惟民
迪吉康我時其惟殷先哲王德用康乂民作
求矧今民罔迪不適不迪則罔政在厥邦王
曰封予惟不可不監告汝德之詭于罰之行
今惟民不靜未戾厥心迪屢未同喪惟天其
罰殛我我其不怨惟厥罪無在大亦無在多
矧曰其尚顯聞于天王曰嗚呼封敬我無作
怨勿用非謀非彝敵時忱丕則敏德用康乃
心顧乃德遠乃敵裕乃以民寧不汝瑕殄王

曰嗚呼肆汝小子封惟命不于常汝念哉無
我殄享明乃服命高乃聽用康乂民王若曰
徃哉封勿替敬典聽朕告汝乃以殷民世
享

酒誥

王若曰明大命于妹邦乃穆考文王肇國在
西土厥誥淩厥邦廢士越少正御事朝夕祀
茲酒惟天降命肇我民惟元祀天降威我
民用大亂喪德亦罔非酒惟行越十大邦用

喪亦罔非酒惟辜文王誥教小子有正有事
無彛酒越廢國飲惟祀德將無醉惟曰我民
迪小子惟土物愛厥心臧聰聰祖考之彛訓
越小大德小子惟一妹土嗣爾股肱純其饗
黍稷奔走事厥考厥長肇牽車牛遠服賈用
孝養厥父母厥父母慶自洗腆致用酒庶士
有正越廢伯君子其爾典聽朕教爾大克羞
者惟君爾乃飲食醉飽丕惟曰爾克永觀省
作稽中德爾尚克羞饋祀爾乃自介用逸茲

乃允惟王正事之臣茲亦惟天若元德永不
忘在王家主曰封我西土禁徂邦君御事小
子尚克用文王教不腆于酒故我至于今克
受殷之命王曰封我聞惟曰在昔殷先哲王
迪畏天顯小民維德義哲自成湯咸至于帝
乙成王畏相惟御事厥非有蒸不敢自暇自
逸制曰享敢常飲越在外服侯甸男衛邦伯
越在內服百僚庶尹惟亞惟服宗工越百姓
里居罔敢湎于酒不惟不敢亦不暇惟助成

王德顯越尹人祗辟我聞亦惟曰在今後嗣
王酣身厥命罔顯于民祗保越怨不易証惟
厥縱淫泆于非彝用燕喪威儀民罔不靈傷
心惟荒腆于酒不惟自息乃逸厥心疾狼不
克畏死辜在商邑越殷國滅無罹弗惟德馨
有龍登聞于天証惟民怨厥群自酒醒聞在上
故天降喪于殷罔愛于殷惟逸天非虐惟民
自速辜王曰封予不惟若茲多誥古人有言
曰人無於水監當於民監今惟殷墜厥命我

其可木大監極于時予惟曰汝劫安殷獻臣
僕甸男衛矧太史友內史友越獻臣百宗工
矧惟爾事服休服未矧惟若時所父薄遠農
父若保完父定辟矧汝剛制于酒厥或詰曰
群飲汝勿佚盡執拘以歸于周予其殺又惟
殷之迪諸臣惟工乃酒于酒勿庸殺之姑惟
教之有斯明享乃不用我教辟惟我一人弗
恤弗蠲乃事時同于殺王曰封汝典聽朕發
勿辯乃司民酒于酒

梓材

王曰封以厥庶民既庶厥臣達大家以厥臣達
王惟邦君汝若恒越曰我有師師司徒司馬
司空尹旅曰予罔厲殺人亦厥君先教勞肆
徂厥敬勞肆徂姦克殺人歷人宥肆亦見厥君
事我敗人宥王啓監厥亂為民曰無胥我無
胥虐至于敬寡至于屬婦合由以容王其效
邦君越御事厥命曷以引養引恬自古王若
茲監罔攸辟惟曰若稽田既勤敷苗惟其陳

修為厥疆畎若作室家既勤垣墉惟其塗既
茨若作梓材既勤樸斲惟其塗丹墀今王惟
曰先王既勤用明德懷為夾庶邦享作兄弟
方來亦既用明德后式典集庶邦丕享皇天
既付中國民越厥疆土于先王肆王惟德用
和澤先後迷民用澤先王受命已若茲監惟
日欲至于萬年惟王子子孫孫永保民

召誥

惟二月既望越六日乙未王朝步自周則至

于豐惟大保先周公相宅越若來三月惟丙
午躋越三日戊申太保朝至于洛卜宅厥既
得卜則經營越三日庚戌太保乃以庶殷攻
位于洛汭越五日甲寅位成若翼日乙卯周
公朝至于洛則達觀于新邑營越三日丁巳
用牲于郊牛二越翼日戊午乃社于新邑牛
一羊一豕一越七日甲子周公乃朝用書命
庶殷侯甸男邦伯厥既命殷庶庶殷丕作大
保乃以庶邦冢君出取幣乃復入錫周公曰

拜手稽首。王若公誥。告庶殷。越自乃御事。鳴呼。皇天上帝。改厥元子。茲大國殷之命。惟王受命。無疆。惟休亦無疆。惟恤。鳴呼。曷其奈。何。弗敬。天既。遘終大邦。殷之命。茲殷多先哲。王在天。越厥後。王後民。茲服厥命。厥終。智藏。壞在夫。知保抱。推持。厥婦。子以哀。籲天。徂厥。亡出執。嗚呼。天亦哀于四方。民其眷命。用懋王其疾。敬德相古。先民有夏。天迪從子。保而裕。天若今時。既墜厥命。今相有殷。天迪裕保。

面稽天若。今時既墜厥命。今冲子則無遺壽者。曰其稽我古人之德。知曰其有能裕謀自天。嗚呼。有王雖小。元子哉。其不能誠于小民。今休王不敢後用。顧畏于民。若王來紹上帝。自服于土中。且曰其作大邑。其自時配皇天。變祀于上下。其自時中。又王厥有成命。治民。今休王先服殷御事。比今于我有周御事。節性。惟日其邁。王敬作所。不可不敬德。我不可不監于有夏。亦不可不監于有殷。我不敢。

拜手稽首。孫王若公。詰告廢殷。越自乃節。事
嗚呼。皇天上帝。改厥元子。茲大國殷之命。惟
王受命。無疆。惟休亦無疆。惟恤嗚呼。曷其奈
何。弗敬天。既。避終大邦。殷之命。茲殷多先哲
王在天。越厥後。王後民。茲服厥命。厥終。智藏
壞在夫。知保抱。推持厥婦。子以哀籲天。但厥
亡。出執嗚呼。天亦哀于四方。民其眷命。用懋
王其疾。敬德相古。先民有夏。天迪從子。保而
稽天。若今時。既墜厥命。今相有殷。天迪格保

面稽天。若今時。既墜厥命。今冲之嗣。則無遺
壽。考曰其稽我古人之德。知曰其有能稽謀
自天。嗚呼。有王。雖小元子。哉其不能。誠于小
民。今休王。不敢後用。顧畏于民。若王。未紹上
帝。自服于土。中旦曰。其作大邑。其自時。配皇
天。變祀于上下。其自時。中又王。厥有成命。治
民。今休王。先服殷。御事。比介于我。有周。御事
節性。惟日其邁。王敬作所。不可不敬德。我不
可不監于有夏。亦不可不監于有殷。我不敢

知曰有夏服天命惟有歷年我不敢知曰不
其迺惟不敬厥德乃早墜厥命我不敢知曰
有殷受天命惟有歷年我不敢知曰不其迺
惟不敬厥德乃早墜厥命今王嗣受厥命我
亦惟茲二國命嗣若功王乃初服嗚呼若生
子罔不在厥初生自貽哲命今天其命哲命
吉凶命歷年知今我初服宅新邑肆惟王其
疾敬德王其德之用祈天永命其惟王勿以
小民濫用非彝亦敢殄戮用乂民若有功其

惟王位在德元小民乃惟刑用于天下越王
顯上下勤恤其曰我受天命丕若有夏歷年
式勿替有殷歷年欲王以小民受天永命拜
手稽首曰予小臣敢以王之讎離民百君子越
友民保受王威命明德王才有成命王亦顯
我非敢勤惟恭奉幣用供王能祈天永命

洛誥

周公拜手稽首曰朕復子明辟王如弗敢及
天基命迄命予乃胤保大相東土其基作民

明辟予惟乙卯朝至于洛師我卜河朔黎水
我乃卜澗水東澧水西惟洛食我又卜澧水
東亦惟洛食佯來以圖及獻卜王拜手稽首
曰公不敵不敬天之休來相宅其作周匹休
公既定宅佯來來視予卜休恒吉我二人共
貞公其以予萬億年敬天之休拜手稽首誨
言周公曰王肇稱殷禮祀于新邑咸秩無文
予齊百工佯從王于周予惟曰廢有事今王
即命曰詛功宗以功作元祀惟命曰汝受命

篤禱丕視功載乃汝其悉自教工孺子其明
孺子其明其徃無若火始燄燄攸灼叙弗
其絕厥若尋及極事如予惟以在周工徃新
邑佯智即有僚明作有功惇大成裕汝永有
辭公曰已汝惟冲子惟終汝其敬識百辟享
亦識其有不享享多儀儀不及物惟曰不享
惟不終志于享凡民惟曰不享惟事其喪悔
乃惟孺子頌朕不暇聽朕教汝于隸民彛汝
乃是不疊乃時惟不永劫篤叙乃正父罔不

若子不敢廢乃命汝往敬哉茲予其明農哉
彼裕我民無遠用戾王若曰公明保予冲子
公稱丕顯德以予小子揚文武烈奉答天命
和恒四方民居師惇宗將禮稱秩元祀咸秩
無文惟公德明光于上下勤施于四方彛作
穆穆迓衡不迷文武勤教予冲子夙夜夢祀
王曰公功斐迪篤罔不若時王曰公予小子
其退即辟于周命公後四方迪亂未定于宗
禮亦未克教公功迪將其後監我士師工詵

保文武受民亂為四輔王曰公定予徯已公
功甫將祿勸公無困哉我惟無斁其康事公
勿替刑四方其世享周公拜手稽首曰王命
予來承保乃文祖受命民越乃先烈考武王
弘朕蒸孺子來相宅其大惇典殷獻民亂為
四方新辟作周恭先曰其自時中又萬邦咸
休惟王有成績予旦以多子越徇事篤前人
成烈答其師作周孚先考朕昭子刑乃單文
祖德侔來必殷乃命寧予以秬鬯二卣曰明

禋拜手稽首休享予不敢宿則禋于文王武
王惠篤叙無有違自疾萬年厥子乃德殷乃
引考王俘殷乃承叙萬年其永觀朕子懷德
戊辰王在新邑烝祭歲文王騂牛一武王騂
牛一王命作冊逸祝冊惟告周公其後王賓
殺禋咸格王入大室裸王命周公後作冊逸
誥在十有二月惟周公誕保文武受命惟七
年

多士

惟三月周公初于新邑洛用告商王士王若
曰爾殷遺多士弗弔旻天大降喪于殷我有
周佑命將天明威致王罰勅殷命終于帝肆
爾多士非我小國敢弋殷命惟天不畀允罔
固亂弼我其敢求位惟帝不畀惟我下民
秉為惟天明畏我聞曰上帝引逸有夏不適
逸則惟帝降格嚮于時夏弗克庸帝大滌泆
有辟惟時天罔念聞厥惟廢元命降致罰乃
命實光祖成湯革夏俊民甸四方自成湯至于

帝乙罔不明德恤祀亦惟天丕達保乂有殷
殷王亦罔敢失帝罔不配天其澤在今後嗣
王誕罔顯于天矧曰其有聽念于先王勤家
誕淫厥泆罔顧于天顯民祗惟時上帝不保
降若茲大喪惟天不畀不明厥德凡四方小
大邦喪罔非有辟于罰王若曰爾殷多士今
惟我周王丕靈承帝事有命曰割殷告勅于
帝惟我事不貳適惟爾王家我適予其曰惟
爾洪無度我不爾動自乃邑予亦念天即于

殷大戾肆不正王曰敵告爾多士予惟時其
遷居西爾非我一人奉德不康寧時惟天命
無違朕不敢有後無我怨惟爾知惟殷先人
有冊有典殷革夏命今爾其曰夏迪簡在王
庭有服在百僚予一人惟聽用德肆予敢求
爾于天邑商予惟率肆矜爾非予罪時惟天
命王曰多士昔朕來自奄予大降爾四國民
命我乃明致天罰移爾遜逃比事臣我宗多
遜王曰告爾殷多士今予惟不爾殺予惟時

命有申今朕作大邑于茲洛予惟四方罔攸
賓亦惟爾多士攸服奔走臣我多遜爾乃尚
有爾土爾乃尚寧幹止爾克敬天惟畀於爾
爾不克敬爾不壹不有爾土予亦致天之罰
于爾躬今爾唯時宅爾邑繼爾居爾厥有幹
有年于茲洛爾小子乃興徙爾遷王曰又曰
時予乃或言爾攸居

無逸

周公曰嗚呼君子所其無逸先知稼穡之艱

艱乃逸則知小人之依相小人厥父母勤勞
稼穡厥子乃不知稼穡之艱難乃逸乃諉既
誕否則侮厥父母曰昔之人無聞知周公曰
嗚呼我聞曰昔在殷王中宗嚴恭寅畏天命
自度治民祗懼不敢荒寧肆中宗之享國七
十有五年其在高宗時舊勞于外爰暨小人
作其即位乃或亮陰三年不言其惟不言言
乃雍不敢荒寧嘉靖殷邦至于小大無時或
怨肆高宗之享國五十有九年其在祖甲不

義惟王舊爲小人作其即位爰知小人之依
能保惠于庶民不敢侮鰥寡肆祖甲之享國
三十有三年自時厥後立王生則逸生則逸
不知稼穡之艱難不聞小人之勞惟耽樂之
從自時厥後亦罔或克壽或十年或七八年
或五六年或四三年周公曰嗚呼厥亦惟我
周大王王季克自抑畏文王果服即康功田
功徽柔懿恭懷保小民惠鮮鰥寡自朝至于
日中昃不遑暇食用咸和萬民文王不敢盤

于遊田以庶邦惟正之供文王受命惟中身
厥享國五十年周公曰嗚呼繼自今嗣王則
其無淫于觀于逸于遊于田以萬民惟正之
供無皇曰今日耽樂乃非民攸訓非天攸若
時人不則有愆無若殷王受之迷亂酗于酒
德哉周公曰嗚呼我聞曰古之人猶胥訓告
胥保惠胥教誨民無或胥誘張蒼幻此厥不
聽人乃訓之乃變亂先王之正刑至于小大
民否則厥心違怨否則厥口詘祝周公曰嗚

呼自殷王中宗及高宗及祖甲及我周文王
茲四人迪哲厥或告之曰小人怨汝言汝則
皇自敬德厥愆曰朕之愆允若時不啻不敢
舍怒此厥不聽人乃或譸張為幻曰小人怨
汝言汝則信之則若時不永念厥辟不寬綽
厥心亂罰無罪殺無辜怨有同是蓋于厥身
周公曰嗚呼嗣王其監于茲

君奭

周公若曰君奭弗吊天降喪于殷殷既墜厥

命我有周既受我不敢知曰厥基永孚于休
若天棗忱我亦不敢知曰其終出于不祥嗚
呼君已曰時我我亦不敢寧于上帝命弗永
遠念天威越我民罔尤遠惟人在我後嗣子
孫大弗克恭上下過佚前人老在家不知天
命不易天難謀乃其墜命弗克經歷嗣前人
恭明德在今予小子旦非克有正迪惟前人
光施于我冲子又曰天不可信我道惟寧王
德迓天不庸釋于文王受命公曰君奭我聞

在昔成湯既受命時則有若伊尹格于皇天
在太甲時則有若保衡在太戊時則有若伊
陟臣扈格于上帝巫咸又王家在祖乙時則
有若巫賢在武丁時則有若甘盤率惟茲有
陳保又有殷故殷禮涉配天多歷年所天惟
純佑命則商實百姓王人罔不秉德明細小
臣屏侯甸矧咸奔走惟茲惟德稱用又厥辟
故一人有事于四方若卜筮罔不是孚公曰
君奭天壽平格保又有殷有殷嗣天滅威今

汝永念則有罔命厥亂明我新造邦公曰君
奭在昔上帝謨申勸寧王之德其集大命于
厥躬惟文王尚克修和我有夏亦惟有若歸
叔有若闕天有若敬宣生有若泰顛有若南
宮括又曰無能徃來茲迪彝教文王萬德降
于國人亦惟純佑秉德迪知天威乃惟時昭
文王迪見冒聞于上帝惟時受有殷命哉武
王惟茲四人尚迪有祿後暨武王誕將天威
咸劉厥敵惟茲四人昭武王惟冒丕單稱德

今在予小子曰若游大川予往登汝壘其濟
小子同未有位誕無我責收罔勗不及為造
德不降我則鳴鳥不聞矧曰其有能格公曰
嗚呼君肆其監于茲我受命無疆惟休亦大
惟艱苦君乃猷裕我不以後人迷公曰前人
敷乃心乃悉命汝作汝民極曰汝姻勗偕王
在亶秉茲大命惟文王德丕承無疆之恤公
曰君告汝朕允保奭其汝克敬以予監于殷
喪大否肆念我天威予不允惟若茲誥子惟

曰襄我二人汝有合哉言曰在時二人天休
滋至惟時二人弗戡其汝克敬德明我俊民
在讓後人于丕時嗚呼篤棗時二人我武克
至于今日休我咸成文王功于不怠丕冒海
隅出曰罔不率俾公曰君子不惠若茲多誥
予惟用闕于天越民公曰嗚呼君惟乃知民
德亦罔不能厥初惟其終祗若茲狂敬用治

恭仲之命

惟周公位冢宰正百工群叔流言乃致辟管

叔于商四祭叔于郭鄰以車七乘降霍叔于
廢人三年不齒祭仲克庸祗德周公以為卿
士叔率乃命諸王邦之祭王若曰小子胡惟
爾率德改行克慎厥猷肆予命爾侯于東土
徃即乃封敬哉爾尚蓋前人之愆惟忠惟孝
爾乃邁迹自身克勤無怠以垂憲乃後率乃
祖文王之彝訓無若爾考之遺王命皇天無
親惟德是輔民心無常惟惠之懷為善不同
同歸于治為惡不同同歸于亂爾其戒哉慎

厥初惟厥終終以不困不惟厥終終以困窮
懋乃攸績睦乃四鄰以蕃王室以和兄弟康
濟小民率自中興作聰明亂舊章詳乃視聽
罔以側言改厥度則予一人汝嘉王曰嗚呼
小子胡汝徃哉無荒弃朕命

多方

惟五日丁亥王來自奄至于宗周周公曰王
若曰猷告爾四國多方惟爾殷侯尹民我惟
大降爾命爾罔不知洪惟圖天之命弗永寅

念于祀惟帝降格于夏有夏誕厥逸不肯感
言于民乃大淫昏不克終日勸于帝之迪乃
爾攸聞厥圖帝之命不克開于民之麗乃大
降罰崇亂有夏因甲子內亂不克靈承于旅
罔丕惟進之恭洪舒于民亦惟有夏之民叨
膺日欽劓割夏邑天惟時求民主乃大降顯
休命于成湯刑殄有夏惟天不畀純乃惟以
爾多方之義民不克永于多享惟夏之恭多
士大不克明保享于民乃胥惟虐于民至于

百為大不克開乃惟成湯克以爾多方簡代
夏作民主慎厥麗乃勸厥民刑用勸以至于
帝乙罔不明德慎罰亦克用勸要囚殄戮多
罪亦克用勸開釋無辜亦克用勸今至于爾
辟弗克以爾多方享天之命嗚呼王若曰誥
告爾多方非天庸釋有夏非天庸釋有殷乃
惟爾辟以爾多方大淫圖天之命屬有辭乃
惟有夏圖厥政不集于享天降時喪有邦間
之乃惟爾高後王逆厥逸圖厥政不綱烝天

惟降時喪惟聖罔念作狂惟狂克念作聖天
惟五年頑賸之子孫誕作民主罔可念聽天
惟永爾多方大動以威開厥顧天惟爾多方
罔堪顧之惟我周王靈承于旅克堪用德惟
典神天天惟式教我用休簡畀殷命尹爾多
方今我曷敢多誥我惟大降爾四國民命爾
曷不忱裕之于爾多方爾曷不夾介乂我周
王享天之命今爾尚宅爾宅畋爾田爾曷不
惠王熙天之命爾乃迪屢不靜爾心未愛爾

乃不大宅天命爾乃屑播天命爾乃自作不
典圖忱于正我惟時其教告之我惟時其戰
要囚之至于再至于三乃有不用我降爾命
我乃其大罰殛之非我有周秉德不康寧乃
惟爾自速辜王曰嗚呼敵告爾有方多士暨
殷多士今爾奔走臣我監五祀越惟有胥伯
小大多正爾罔不克臬自作不和爾惟和哉
爾室不睦爾惟和哉爾邑克明爾惟克勤乃
辜爾尚不忌于凶德亦則以穆穆在乃位克

闕于乃邑謀介爾乃自時洛邑尚永力畋爾
田天惟畀矜爾我有周惟其大介賚爾迪簡
在王庭尚爾事有服在大僚王曰嗚呼多士
爾不克勸忱我命爾亦則惟不克享凡民惟
曰不享爾乃惟逸惟頗大遠王命則惟爾多
方探天之威我則致天之罰離逖爾士王曰
我不惟多詰我惟祗告爾命又曰時惟爾初
不克敬于和則無我怨

立政

周公若曰拜手稽首告嗣天子王矣用威戒
于王曰王左右常伯常任準人綴衣虎賁周
公曰嗚呼休茲知恤鮮哉古之人迪惟有夏
乃有室大競籟俊尊上帝迪知忱恂于九德
之行乃敷告教厥后曰拜手稽首后矣曰宅
乃事宅乃收宅乃準茲惟后矣謀而用丕訓
德則乃宅人茲乃三宅無義民桀德惟乃弗
作徃任是惟暴德罔後亦越成湯涉丕釐上
帝之耿命乃用三有宅克即宅曰三有俊克

即俊嚴惟丕式克用三宅三俊其在商邑用
協于厥邑其在四方用丕式見德嗚呼其在
受德賢惟羞刑暴德之人同于厥邦乃惟庶
習逸德之人同于厥政帝欽罰之乃伊我有
夏式商受命奄甸萬姓亦越文王武王克知
三有宅心灼見三有俊心以敬事上帝立民
長伯立政任人準夫牧作三事虎賁綴衣趣
馬小尹左右摎僕百司庶府大都小伯藝人
表臣百司太史尹伯庶常吉士司徒司馬司

空亞旅表微厲烝三臺阪尹文王惟克厥宅
心乃克立茲常事司牧人以克俊有德文王
罔攸蕭于庶言庶獄庶慎惟有司之牧夫是
訓用違庶獄庶慎文王罔敢知于茲亦越武
王率惟毅功不敢替厥義德率惟謀從容德
以並受此丕丕基嗚呼孺子王矣繼自今我
其立政立事準人牧夫我其克灼知厥若丕
乃俾亂相我受民和我庶獄庶慎時則勿有
間之自一語一言我則未惟成德之矣以又

我受民鳴呼予旦已受人之徽言咸告孺子
王矣繼自今文子文孫其勿誤于庶獄庶慎
惟正是又之自古商人亦越我周文王立政
立事牧夫準人則克宅之克由繹之茲乃俾
乂國則罔有立政用儉人不訓于德是罔顯
在厥世繼自今立政其勿以儉人其惟吉士
用勩相我國家今文子文孫孺子王矣其勿
誤于庶獄惟有司之牧夫其克詰爾我兵以
涉禹之迹方行天下至于海表罔有不服以

觀文王之耿光以揚武王之太烈嗚呼繼自
今後王立政其惟克用常人周公若曰太史
司寇蘇公式敬爾由獄以長我王國茲式有
慎以列用中罰

周官

惟周王撫萬邦巡侯甸四征弗庭綏厥兆民
六服群辟罔不承德歸于宗周董正治官王
曰若昔大猷制治于未亂保邦于未危曰唐
虞稽古建官惟百內有百揆四岳外有州牧

侯伯廢政惟和萬國咸寧夏商官倍亦克用
又明王立政不惟其官惟其人今予小子祗
勤于德夙夜不逮仰惟前代時若訓迪廢官
立太師太傅太保茲惟三公論道經邦燮理
陰陽官不克備惟其人少師少傅少保曰三
孤或公弘化宣亮天地弼予一人冢宰掌邦
治統百官均四海司徒掌邦教敷五典擡兆
民宗伯掌邦禮治神人和上下司馬掌邦政
統六師平邦國司空掌邦禁詰姦慝刑暴亂

司空掌邦土居四民時地利六卿分職各率
其屬以倡九牧阜成兆民六年五服一朝又
六年王乃時巡考制度于四岳諸侯各朝于
方岳大明黜陟王曰嗚呼九我有官君子欽
乃攸司慎乃出令令出惟行弗惟反以公滅
私民其乞懷學古入官議事以制政乃不迷
其爾典常作之師無以利口亂厥官當疑敗
謀怠忽荒政不學墻面蒼事惟煩戒爾卿士
功崇惟志業廣惟勤惟克果斷乃罔後艱位

不期驕祿不期侈恭儉惟德無載爾修作德
心逸日休作侈心勞日拙居寵思危固不惟
畏弗畏入畏推賢讓能庶官乃和不和政厖
舉能其官惟爾之能稱匪其人惟爾不任王
曰嗚呼三事暨大夫敬爾有官亂爾有政以
佑乃辟永康兆民萬邦惟無斁

君陳

王若曰君陳惟爾令德孝蒸惟孝友于兄弟
克施有政命汝尹茲東郊敬哉昔周公師保

萬民民懷其德往慎乃司茲率厥常懋昭周
公之訓惟民其乂我聞曰至治馨香感于神
明黍稷非馨明德惟馨爾尚式時周公之猷
訓惟曰孜孜無敢逸豫凡人未見聖若不克
見既見聖亦不克由聖爾其戒哉爾惟風下
民惟草圖厥政莫或不艱有慶有興出入自
爾師虞庶言同則繹爾有嘉謀嘉猷則入告
爾后于內爾乃順之于外曰斯謀斯猷惟我
后之德嗚呼臣人咸若時惟良顯哉王曰君

陳甬惟弘周公丕訓無依勢作威無倚法以
削寬而有制從容以和殷民在辟子曰辟甬
惟勿辟子曰甬甬惟勿甬惟厥中有弗若于
汝政弗化于汝訓辟以止辟乃辟紐于姦完
敗常亂俗三細不甬甬無忿疾于頑無永備
于一夫必有忍其乃有濟有容德乃大簡厥
修亦簡其或不修進厥良以率其或不良惟
民生厚因物有遷遷上所命從厥攸好甬克
敬典在德時乃罔不變允升于大猷惟予一

人膺受多福其甬之休終有辭於永世

顧命

惟四月哉生魄王不懌甲子王乃洮頰水相
被冕服憑玉几乃同召太保奭尚伯服仰畢
公衛侯毛公師氏虜臣百尹御事王曰嗚呼
疾大漸惟幾病日臻既彌留恐不獲言言嗣
茲予審訓命汝昔君文王武王宣重光奠麗
陳教則拜拜不違用克達殷集大命在後之
侗敬逆天威嗣守文武大訓無敢昏逾今天

降疾殆弗興弗悟爾尚明時朕言用敬保元
子劉弘濟于艱難柔遠能通安勸小大庶邦
思夫人自瓦于威儀爾無以釗冒貢于非幾
茲既受命還出綴衣于庭越翼日乙丑王崩
太保命仲桓南宮毛僕爰齊侯呂伋以二千
戈虎賁百人逆子釗於南門之外迺入翼室
恤宅宗丁卯命作冊度越七日癸酉仰相命
士頌材狄設黼衣綴衣牖間南嚮敷重篋席
黼純華玉仍几西序東嚮敷重底席綴純文

貝仍几東序西嚮敷重豐席畫純彫玉仍几
西夾南嚮敷重篋席玄紉純漆仍几越玉五
重陳寶赤刀六訓弘璧琬琰在西序大玉夾
玉天球河圖在東序流之舞衣大貝鼗鼓在
西房兂之戈和之弓垂之竹夫在東房大輅
在賓階面綴輅在阼階面先輅在左塾之前
次輅在右塾之前二人雀弁執惠立于畢門
之內四人犀弁執戈上刃夾兩階阼一人冕
執劉立于東堂一人冕執鉞立于西堂一人

冕執鉞立于東垂一人冕執翟立于西垂一人冕執鉞立于側階王麻冕黼裳由賓階降
卿士邦君麻冕蟻裳入即位太保太史太宗
皆麻冕彤裳太保承介圭上宗奉同瑁由阼
階濟太史秉書由賓階濟御王冊命曰皇后
憑玉几道揚未命命汝嗣訓臨君周邦塗循
大卞燮和天下用答揚文武之光訓王再拜
興答曰眇眇予末小子其能而克四方以敬
忌天威乃受同瑁王三宥三祭三吃上宗曰

康王之誥

饗太保受同降盥以異同秉璋以酢授宗人
同拜王答拜太保受同祭齊宅授宗人同拜
王答拜太保降收諸侯出廟門俟

王出在應門之內太保率西方諸侯入應門
左畢公率東方諸侯入應門右皆布裘黃朱
賓稱奉圭並幣曰一二臣備敢執壤奠皆再
拜稽首王義嗣德答拜太保暨芮伯咸進相揖
皆再拜稽首曰敢敬告天子皇天改大邦殷

之命惟周文武誕受美若克恤西土惟新涉
王畢協賞罰敷定厥功用敷遺後人休今王
敬之哉張皇六師無壞我高祖實命王若曰
庶邦侯甸男衛惟予一人劄報詰昔君文武
丕平富不務咎底至齊信用昭明于天下則
亦有能羅之士不二心之臣保又王家用端
命于上帝皇天用訓厥道付畀四方乃命達
侯樹屏在我後之人今予一二伯父尚膏暨
顧綏爾先王之臣服于先王雖爾身在外乃

心固不在王室用奉血厥若無遺鞠子羞群
公既皆聽命相揖趨出王釋冕及喪服

畢命

惟十有二年六月庚午朏越三日壬申王朝
步自宗周至于豐以成周之象命畢公保釐
東郊王若曰嗚呼父師惟文王武王敷大德
于天下用克受殷命惟周公左右先王綏定
厥家咨殷頑民遷于洛邑密邇王室式化厥
訓既歷三紀世變風移四方無虞予一人以

寧道有升降政由俗革不臧厥臧民罔攸勸
惟公懋德克勤小物弼亮四世正色率下同
不祗師言義績多于先王予小子垂拱仰成
王曰嗚呼父師今予祗命公以周公之事往
哉旌別淑慝表厥宅里勸善癉惡樹之風聲
弗率訓典殊厥井疆俾克畏慕由畫郊圻慎
固封守以康四海政貴有恒辭尚體要不惟
好異尚俗靡靡利口惟賢餘風未殄公其念
哉我聞曰世祿之家鮮克由禮以蕩陵德實

存天道啟化奢麗萬世同流茲殷庶士席寵
惟舊怙侈滅義服義于人驕淫矜誇將由惡
終雖收效心閑之惟艱資富能訓惟以永年
惟德惟義時乃大訓不由古訓于何其訓王
曰嗚呼父師邦之安危惟茲殷士不剛不柔
厥德允修惟周公克慎厥始惟君陳克和厥
中惟公克成厥終三后協心同底于道道洽
政治澤潤生民四表左衽罔不咸賴予小子
永膺多福公其惟時成周達無窮之基亦有

無窮之聞子孫訓其成式惟又嗚呼罔曰弗
克惟既厥心罔曰民寡惟慎厥事欽若先王
成烈以休于前政

君牙

王若曰嗚呼君牙惟乃祖乃父世篤忠貞服
勞王家厥有成績紀于太常惟予小子嗣守
文武成康遺緒亦惟先王之臣克左右亂四
方心之憂危若蹈虎尾涉于春冰今命爾予
翼作股肱心膂續乃舊服無忝祖考弘敷五

典武和民則爾身克正罔敢弗正民心罔中
惟爾之中夏暑雨小民惟曰怨咨冬祁寒小
民亦惟曰怨咨厥惟艱哉思其艱以圖其易
民乃寧嗚呼丕顯哉文王謨丕承哉武王烈
啓佑我後人咸以正罔缺爾惟敬明乃訓用
奉若予先王對揚文武之光命追配于前人
王若曰君牙乃惟由先正舊典時式民之治
亂在茲率乃祖考之攸行昭乃辟之有乂

罔命

王若曰伯冏惟予弗克于德嗣先人宅丕后
休惕惟厲中夜以興思免厥愆昔在文武聰
明齊罔小大之臣咸懷忠良其侍御僕從罔
非正人以旦夕承弼厥辟出入起居罔有不
欽發號施令罔有不臧下民祗若萬邦咸休
惟予一人無良實賴左右前後有位之士匡
其不及繩愆糾謬格其非心俾克紹先烈今
予命汝作大正正于群僕侍御之臣懋乃后
德交修不逮慎簡乃僚錟以巧言令色便辟

側媚其惟吉士僕臣正厥后克正僕臣諛厥
后自聖后德惟臣不德惟臣爾無昵于儉人
克耳目之官迨上以非先王之典非人其吉
惟質其吉若時瘼厥官惟爾大弗克祗厥辟
惟予汝辜王曰嗚呼欽哉永弼乃后于彝憲

呂刑

惟呂命王享國百年老耄荒度作刑以誥四方
王曰若古有訓金石惟始作亂迄及于平民
罔不寇賊鴻義茲究奪攘矯虔苗民弗用靈

制以刑惟作五虐之刑曰法殺戮無辜爰始
深考劓剕桡黥越茲麗刑并制罔差有辟民
興昏漸泥泯勢罔中于信以覆誣盟虐威
廢戮之吉無辜于上帝監民罔有馨香德
刑發聞惟腥皇帝哀矜廢戮之不辜報虐以
威遏絕苗民無世在下乃命重黎絕地天通
罔有降格羣后之逮在下明明非帝鰥寡無
蓋皇帝清問下民鰥寡有辟于苗德威惟畏
德明惟明乃命三后恤功于民伯夷降典折

民惟刑禹平水土主名山川稷降播種農殖
嘉穀三后成功惟殷于民士制百姓于刑之
中以教祇德穆穆在上明明在下灼于四方
罔不惟德之勤故乃明于刑之中率乂于民
非尋典獄非訖于威惟訖于富敬忌罔有擇
言在躬惟克天德自作元命配享在下王曰
嗟四方司政典獄非爾惟作天牧今爾何監
非時伯夷播刑之迪其今爾何懲惟時苗民
匪察于獄之麗罔擇吉人觀于五刑之中惟

時度威奪貨斷制五刑以亂無辜上帝弗鑿
降咎于苗苗民無辭于罰乃絕厥世王曰嗚
呼念之哉伯父伯兄仲叔季弟幼子童孫皆
聽朕言庶有格命今爾罔不由慰曰勤爾罔
或戒不勤天齊于民僕我一日非終惟終在
人爾尚敬逆天命以奉我一人雖畏勿畏雖
休勿休惟敬五刑以成三德一人有慶兆民
賴之其寧惟永王曰吁來有邦有土告爾祥
刑在今爾安百姓何擇非人何敬非刑何度

非及兩造具備師聽五辭五辭簡孚正于五
刑五刑不簡正于五罰五罰不服正于五過
五過之疵惟官惟反惟內惟貨惟來其罪惟
均其審克之五刑之疑有赦五罰之疑有赦
其審克之簡孚有衆惟貌有稽無簡不聽具
嚴天貳辜辟疑赦其罰百鍰闕實其罪劓辟
疑赦其罰惟倍闕實其罪非辟疑赦其罰倍
差闕實其罪官辟疑赦其罰六百鍰闕實其
罪大辟疑赦其罰千鍰闕實其罪墨劓之屬

千剗罰之屬千剗罰之屬五百宮罰之屬三百大辟之罰其屬二百五刑之屬三千上下比罪無僭亂辭勿用不行惟察惟法其審克之上刑適輕下服下刑適重上服輕重諸罰有權刑罰世輕世重惟齊非齊有倫有要罰懲非死人極于病非侮折獄惟良折獄罔非在中察辭于差非從惟從哀敬折獄明啓刑書香古咸廢中正其刑其罰其審克之獄成而孚輸而孚其刑上備有并兩刑王曰嗚呼

敬之哉官伯族姓朕言多懼朕敬于刑有德惟刑今天相民作配在下明清于單辭民之亂罔不中聽獄之兩辭無或私家于獄之兩辭獄貨非寶惟府辜功報以廢衣永畏惟罰非天不中惟人在命天罰不極廢民罔有令政在予天下王曰嗚呼嗣孫今往何監非德于民之中尚明聽之哉哲人慎刑無疆之辭屬于五極咸中有慶受王嘉師監于茲祥刑

文侯之命

王若曰父義和不顯文武克慎明德昭升于
上敷聞在下惟時上帝集厥命于文王亦惟
先正克左右昭事厥辟越小大謀猷罔不率
從肆先祖懷在位嗚呼閔予小子嗣造天丕
愆殄資澤于下民侵我我國家純即我御事
罔或者壽俊在厥服予則曰惟祖惟父
其伊恤朕躬嗚呼有績予一人永綏在位父
義和汝克昭乃顯祖汝肇刑文武用會紹乃
辟迨孝于前文人汝多修扞我于艱若汝予

嘉王曰父義和其歸視爾師寧爾邦用賚爾
秬鬯一卣彤弓一彤矢百盧弓一盧矢百馬
四匹父往哉柔遠能通惠康小民錕蓋寧簡
恤爾都用成爾顯德

費誓

公曰嗟人無諱聽命徂茲淮夷徐戎並興善
穀乃甲冑敵乃干無敵不弔備乃弓矢鏃乃
戈矛礪乃鋒刃無敵不善今惟淫舍牯牛馬
杜乃撲斂乃竄無敢傷牯牯之傷汝則有常

刑馬中其風臣妾通逃勿敢越逐祗復之我
商賚汝乃越逐不復汝則有常刑無敢寇攘
踰垣墻竊馬牛誘臣妾汝則有常刑甲戌我
惟征徐戎時乃稷糧無敢不逮汝則有大刑
魯人三郊三遂時乃楨幹甲戌我惟等無敢
不供汝則有無餘刑非殺魯人三郊三遂時
乃芻蕘無敢不多汝則有大刑

秦誓

公曰嗟我士聽無譁予誓告汝群言之首古

人有言曰民說自若是多盤責人斯無難惟
受責俾如流是惟艱哉我心之憂日月逾邁
若不云來惟古之謀人則曰未就予忘惟今
之謀人姑將以爲親雖則云然尚敢詢茲黃
髮則罔所愆番番良士旅力既愆我尚有之
佗佗勇夫射術不違我尚不欲惟截截善論
言俾君子易辭我皇多有之昧昧我思之如
有一介臣斷斷倚無他技其心休休焉其如
有容人之有技若己有之人之彥聖其心好

之不啻如自其口出是能容之以保我子孫
黎民亦職有利哉人之有疾冒疾以惡之人
之疾聖而違之俾不達是不能容以不能保
我子孫黎民亦曰殆哉邦之抗擢曰由一人
邦之榮懷亦尚一人之慶

書終

臣等伏以
聖天子受天
命而有天下
之責惟恐不
克以副天心
之眷顧而
保我子孫
黎民之安
寧也惟恐不
克以盡忠
盡孝之誠
而副天心
之眷顧而
保我子孫
黎民之安
寧也惟恐不
克以盡忠
盡孝之誠
而副天心
之眷顧而
保我子孫
黎民之安
寧也

位之及出余之子其末鳴
學勤其來公之五子也

已之及律之也
於此其刑部之欠也
望之川美之匠殿

目録

